


[WWW.JUSTICE.GC.CA/YOUTH](http://WWW.JUSTICE.GC.CA/YOUTH)

## INULRAMIIT MALIGALIQINIRMUT KATIMAPKAINIQ KATIMAYIINGILLU



Tamna *Inulramiit Ihuinaaqtut Maligaliqinirmut Maliganga* (qablunaatitut naittumik taiyauyuq YCJA-mik) ilitariyaat akhuurutinga ilaliutigiami ilangit, ayuqhapkaiyuyut nunangillu uumani inulramiit ihuinaaqtut maligaliqinirmut pidjutinginnik. Malruk pittaaqtut ukunuuna inulramiit maligaliqinirmut katimapkainiq unalu inulramiit maligaliqinirmut katimayiit.

Una hulidjut titiraq piqaqtuq naunaitkutanik ukununinnga inulramiit maligaliqinirmut katimapkainiq unalu katimayiit titiraqhimayumi *YCJA-mi*. Una naunaitkutaq pipkaidjutuyuyuk pinngittuq himmaitkhangani ayuittiaqtunik maligaliqinirmut uqaudjiukhamik. Naunairyuumirumaguvit, takulugu *YCJA* Naittuq Qauyimadjutinganiklu iluittumik titiraqhimayuy *YCJA-mi*.

### Inulramiit Maligaliqinirmut Katimapkainiq

Inulramiit maligaliqinirmut katimaniq inungnik apiriyayuyut ihumaliuqtimit, ukunatat apirhuqtiyuyuk kuatiqvikmi, katittukhat uqariamingnik ihuinaarutinganik inulrammiup ilauyuq uumani inulrammiit ihuinaaqtut maligaliqinirmut pidjutinginnik.

Katimapkaittaaqtut amigaittunik pilutik, ukunatatit ilagiiktut katimapkailugit, inulrammiit maligaliqinirmut katimayiit (takulugu hamna ataani), ihuinaaqtup qanuriliuritikhanik katimaluni, ayuittiaqtup tuhaqtakhangani katimapkailuni. Ilauyut ukunani katimapkainirmi ilaliutittaqtuq inulrammiq, angayuqqaangit, ihuinaarutigiyangalu, nunagiyamingni timiqutigiyangit ayuittiaqhimayullu piqaqtut ilihimayamingnik piyuq uumunnga ihuinaarutimut.

Pipkaidjutautinga inulrammiit maligaliqinirmut katimapkainiq atauttimuuriamiknik inungnik a migaittunik pilik ayuittutlu taimaa tunigiami

(Youth Justice Conferences and Committees)

ihumaliuqtinga hivituyumik qanurittaakhaanik ihuinaarutinganut. Talvuuna, uqaqtamingnik tuniyayuyuk katimanirmik pipkaidjutiniaqtuq piliuqhimayumik nakuuyumiklu kiudjutinik inulrammimut ihuinaarutinganut.

Inulrammiit maligaliqinirmut katimapkainiq tunittaqtuq aatlaittumik tautuktaminik ayuitaminiklu inulrammiup ihuinaarutingani. Ihumaliurutaungittuugaluaq timiqutigiyayuyut, katimapkainiq tunittaqtuq uqaqtamingnik qanuqtullu piyaxhangit ihumaliurutiuyunut aatlatqiinik ihumaalutigiyayuyunik, hapkuningalu:

- Ihuatqiaq Maligaliqinirmut hilataanit hulilukaarutingit;
- Maliktakhangit piiqtaurumi apirhuqtautinnagu munariyauniq;
- Ihuatqiaq itiqtautidjutit;
- Ihumaliurniq ilaliutiffaariami inulrammiq nunamingnut itiqtauhurumi; unalu
- Qanuriliurutikhaq inulrammiq ihuaqharutikhangit ihuinaarutigiyanga ayuqhapkaidjutigiyaanut inuk.



Angiqtaugiama ihumaliurutimut, kitut pitquyangit piliurhimayut aadjikutariyakhaa malirutinginnut huuqlu piyuq *YCJA-mut*.

## **Inuulramiit Maligaliqinirmut Katimayiit**

Amigaittut nunat Kaanatami piliuqtut pidjutinginnik uuminnga inuulramiit maligaliqinirmut katimayiit. Piliuqhimayut nunamingni ikayuqtunik akiliqhimaittumik, hapkuat katimayiit ikayuqtut aatlatqiinik ilagiyanga titiqiqininnganut *YCJA* tuniyauningalu ilihaidjutikhanginnik ikayuutikhanginiklu inulrammiinut.

*YCJA* ilitariyait amigaittunik aatlatqiinik havaakhanik katimayiinut uumani inulrammiit maligaliqinirmut pidjutinginnik, ukuningalu:

- Piluni inulrammiit maligaliqinirmut katimatillugit;
- Naunaipkarlugit ihuatqianganut Maligaliqinirmut hilataanit qanuriliurutingit;
- Ikayurlugit ihuinaaqtup ayuqhaqtipkaiya apirhiluni ihumaalutigiyanginnik pipkaidjutilunilu ihuaqhaidjutikhanginnik inulrammiinit ukunanitlu ihuinaaqtup ayuqhaqtipkaiyaa;
- Ikayurlugit munarinninga ilaliutininnganik nunamingni timiqutigiyayut ukunaniklu inulrammiit ihuinaaqtut maligaliqinirmut pidjutinginnik inuup ihuinaarutinginnik, naunairlugulu inulrammiit piyut nunamingnit ikayuqtauyut;
- Naunaipkarlugit kaanatami, qablunaat nunagiyangani aviktuqhimayunilu kavamangit maliganik qanuqtullu piyaxhangit piyut ukununnga inulrammiit maligaliqinirmut pidjutinginnik; unalu
- Tuniluni naunaitkutaq inungnut ukunanik *YCJA* ukunaniklu inulrammiit maligaliqinirmut pidjutinginnik.